

um 1/4

Moratorium tamat, aktiviti bauksit belum boleh diteruskan

KUANTAN 31 Mac - Penamatan arahan moratorium terhadap kegiatan perlombongan bauksit di negeri ini bermula esok tidak bermakna aktiviti tersebut boleh kembali diteruskan seperti biasa sehingga prosedur operasi standard (SOP) mengenaiya diluluskan.

Ahli Parlimen Kuantan, Fuziah Salleh berkata, perkara itu telah dinyatakan oleh Menteri Air, Tanah dan Sumber Asli, Dr. Xavier Jayakumar bahawa semua pihak perlu bersedia melaksana dan menguatkuasakan SOP aktiviti perlombongan dan pengeksporan bauksit negeri.

Katanya, sesi pendengaran awam bagi mendapatkan maklum balas mengenai SOP berkenaan akan diadakan pada 14 April ini.

"Sebelum sesi itu diadakan

dan SOP diluluskan, saya difahamkan operasi perlombongan bauksit tidak boleh dimulakan. Diharapkan kita sama-sama me-

mantau supaya tiada pergerakan lori mengangkut bauksit sehingga SOP baharu diluluskan," katanya selepas merasmikan Sambutan Hari Wanita di Pantai Cherok Paloh, di sini hari ini.

Dalam pada itu, berhubung kenyataan Menteri Pembangunan Usahawan, Datuk Seri Mohd.

Redzuan Yusof bahawa kilang memproses nadir bumi, Lynas Corporation Ltd. (Lynas) di Gebeng di sini akan diteruskan sebagai salah satu usaha kerajaan untuk menarik pelabur asing melabur di negara ini, Fuziah berkata, perkara berkenaan seharusnya dilihat secara holistik dan bukan dengan satu perspektif sahaja.



FUZIAH SALLEH